

U Monte San Petru ci porghje un panorama chì ci laca una stampa prufonda in a mente. Hè dinù ch'ellu ci fù un fattu tragicu chì si ne vede e vistiche in cima.



• U principiu di u chjassu



• **U principiu di u chjassu**



E mele !



• Un cuccu



• **Si vede a punta trà mezu à l'arburi**

Simu ghjunti à l'alba in u paese di Petretu in u Taravu. Bench'ellu a s'allunghessi una statina dolce assai, quantunque si sentia u frescu...

Senza cuntà chì u sole u piattavanu e cime sopra à a valle. À mezu à quesse, u Monte San Petru chì hè altu di 1400 metri.

Da quindi pare ch'ellu fussi luntanu è ch'ùn ci si possi cullà. È puru i pannelli grisgi ci insegnanu a strada : A Bocca à Sant'Eustace, u Monte San Petru.

A maiò parte di quelli chì piglianu à cullà ver'di issa punta partenu da A Bocca à Sant'Eustace, assai più insù. Ma à noi ci hà da vulè à cuntà 500 m di più ad attippà.




Pare luntanu...



• Una culumbella



• **Trà mezu à l'arburi si vede una cria...**



• U chjassu passa sottu boscu...



• Passa sottu boscu u chjassu ...



- **Vistiche di un'attività economica**



• Longu à u chjassu unepochi di funghi

À tavuletta ? Innò ! Dimu À fond sur le champignon !

Hè vera chì à cullà 1000 metri annunziati di slivellu ad attippà ùn incuragiscenu tantu... Ma longu à i passi ch'è no stinzavamu u guardu hè statu attiratu da e tacche giallogne spaperse nantu à a furesta ingiru à noi.



• Si incrocianu u chjassu di u paese è l'altu di A Bocca à Sant'Eustace



• Sarà bonu ?



• Chì scogliu stranu !



• In cima si ponu vede e vistiche di un focu di u 2009



Ver'di u Meziornu

È più si cullava più ci ne era! Fatta fine avemu compiu a nostra passighjata cun 10 chilò in più! Bellisturzi, ghjallinelle, funghi ci era di tuttu è in quantità! Una vera campa.

Fatta fine, a cullata hè passata in furia...

E vistiche di a catastrofa

À misura ch'omu si avvicina da a cima, à insignà a strada ci sò picculi pannelli in ferru, rossi è bianchi. Più Au fur et à mesure que l'on s'approche du sommet, de petits panneaux en fer, rouge et blanc, indiquent le chemin. Plus ci si avvicina, più ci ne hè.



• Una farfalla



- **Omu si avvicina da a punta**



• Di quandu in quandu, picculi pannelli in ferru ficcati in pianu



• **Panorama in a cullata**

Issi scrittoghji portanu di prima sinu in cima di u San Petru, ma sopra à tuttu à a stela chì insegna u locu duv'ellu si sfracicatu un aviò di ligna cun 174 passeggeri. A seconda catastrofa aerea più maiò di Francia.

Era u 1u di decembre di u1981, era difficiule à vede ci per via di a nebbia è l'aviò, un DC 9 super 80, charter iugoslavu di a cumpagnia Inex Adria Airways affrettatu da l'agenzia di viaghju Kompas s'appronta à principià a so falata ver'di Aiacciu

Ma à 8ore52, a torra di cuntrollu hà persu a traccia d'issu aereu ingiru à u Pitretu.

Vicinu à a stela ci hè una replica di a chjesa di U Pitretu. Indrentu ci si trovanu assai documenti in quantu à issu avvenimentu, ognunu hè in trè lingue : francese, alemanu iugoslavu

Panorama cumpletu cun tuttu

I blocchi granitichi chì facenu a punta di u monte San Petru danu un panorama tremendu di u Meziornu estremu di l'isula.



• **Vista nantu à U Pitretu è Bicchisgià**



- **I pinzi di Bavedda in fondu**



• Alè, cuntinuemu adattippà...



- **Un acellucciu**



A cima ùn hè più tantu luntana

Di prima nantu à A Bocca à Sant'Eustace, cun daretu l'achi di Bavedda è L'Alcudina.

Ver'di u Meziornu si pò vede à Prupia, Sartè è l'omu di Cagna. Più inlà, si distingue a Sardegna.



• **Un scogliu cagnaccia ?**



• **In cima !**



• **Vista nantu à Prupia**



- **Aiacciu**



- **A stela hè à pena più inlà**



• Una buciartula



• Ritornu ver'di A Bocca à Sant'Eustace



• **U Pitretu è Bicchisgià**

Ghjustu sottu à noi, si stende u paese di Pitretu è Bicchisgià. Pare luntanu pare... Averemu marchjatu tuttu què ? Daretu à e muntagne, si sparghe Aiacciu sinu à I Sanguinari.

À l'ultimu quallà, si pò induvinà l'inseme di a Sarra di Cintu à Nordueste.

Magnificu...

Simu rientrati per listessu chjassu è emu compiu di coglie i nostri funghi. Da chì fà e frittate pè u paese sanu sanu !!